

Spetando 'l fumo 1 (Pirola-Parola 2020)

A far elpiavolo e a giazarme i piè
xè rivà l'ano che fa trentasiè!
Mi ve garantisso, ma proprio da bon
Che par st'altr'ano 'ndarò in pension.
Desso fa belo parlar de pianeta,
de come netarlo da i sporchessi
pagodar tuti de aqua e aria neta
pur che i nostri comodi resta i stessi!
Chi stravede, chi savària par 'natoseta
chi la trova brava e chi on fiaponpada,
come se 'l problema fusse a Greta
no la tera che ghemostrassada!
A consumar manco e consumar mejo
saria par tuti on gran vantajo
ma no par i siori che co tanto pejo
se insusta, a tocarel so formajo.
Co solite storie de posti de laoro,
tuti in pensiero co lagreme a i oci
Porta el governo là dove i vol loro
sporcando la tera co çentopastroci.
Noialtri siti, da boni tosati:
no parla preti e gnanca sindacati!
Ma tuti savemo, puito anca massa
che ben al mondo, cussì, no se fassa.
Pensemo che intanto eltenpoxè duro:

a vardar tuto te ghè da star fresco,
godemosela desso, se sbonbael futuro!
Dassa che 'l predica papa Francesco!
Disaressi che a brusar 'ste fassine
l'esempio no lo demo proprio bon
e vero saria a no vardarel fine
saria on sbrego al posto de on tacon.
Se fa questo pategner la memoria
de tenpi e usanse de i nostri veci:
senza ricordi se perde la storia,
se passa vanti confusi dai speci!
Se lo sa, anca mi lo capisso,
el Sindaco, da far, gamile cose,
ma so qualcheduna farghe on strisso
versaria a sielte bone e doverose:
Vardare vanti! pì in là del naso!...
anca se questo no darà voti,
instradar progeti oltre el caso
de buse, feste o marciapiè roti.
Lavargheel muso a 'sto bel paese
pien de la so storia, arte e cultura
a stento viste traverso le sfese
in abbandono come le so mura.
Serve poco assistenti e assessori
senpre persi drio i soliti poci
inpegnai solo co i stessi laori

e so 'l diman no i verze mai i oci!
La cosienza civica lassà sola,
seguro, se sa, va a fenir male,
la cressaria co fa polenta in tola
se chi sta sora no ghe mete 'l sale!
Chi davanti se posa a guidar on paese
Ga da vardar vanti co idee ciare,
dimostrar corajo par nove inprese
e a le ciacole no starghe badare.
No so i palchi a mostrar i so quarti
Ma scoltar pazienti i giusti lamenti,
trovandogheelcaopi presto che tardi,
se anca tuti no se pol far contenti.

**Parchè 'stemusichesia finie,
vantifemenetoì su le litanie!**

Noale, 15/12/2020

Dino Libralato

Spetandoel fumo 2 (Pirola-Parola 2020)

Desso che go messo via la corona
De quello che ve disaremo desso
 Che perdonarme possa la Madona,
 Che a st'altri la ghepassarà istesso!!!
Procure che indaga so altre Procure
Cussì cause vere sta ferme e segure!
 Gode mafia, corotti e coruttori
 ringrasiando de sti grandi favori!
fermi i lavori de opere nazionali
pagando i amissico bone penali
 Par farpiasser a l'industria che inquinà,
 se canbialegeda sera a matina!
Cossagheinporta de 'a nostra salute
Serve a i amissi, par 'e so valute!
 Tutto pa 'l prodotto interno lordo,
 cussisenpre se inbaùcaqualche tordo!
Ma vanti senpre co sto mondo mato,
tanto noialtri 'o ghemotrovà fato!
 Par i nostri fioli, salvemoghe la pension,
 anche se questo ghecostarà un polmon!
Cossa sarà se elpòlo va in disgelo,
e par manie, robe de st'altro cielo!
 Tiremo vanti driti, senza lamento
 Mastegando le storie del parlamento
Deputati cronpai, senatori vendui
Che ancora pensa de esarcreeui!
 Fortunàelpoareto a vivar co poco
 Altro che 'l sior passuo co fa on oco!
Questo se paga un mondo de tasse
St'altroinveçe se magna anca le strasse.
 Pensarquanto ne ghì fato preminire,
 ormai no savemopìcossa dire!

**Se no ve interessa el dir de 'ste piasse,
sachéta e fagòto:fora da le strasse!**

**Lassa star dessoGigeto del Majo
che paraverfiniotuto elformajo|
presto ghe ne vedaremo de bele
col'aquasarà piena desardele,
e se parfinla Madona li prega
nola vedo ben gnancapar chi sbrega
che po' a giustarghevorà leoni
e in giro vedo solo... oche e moltoni!..**

**Voressimo dirvene trè sporte e un cèsto,
ma qua, no, no semo, vegnui par questo!
Femose i auguri in alegria
ché 'l bisesto se li porta via
a muso duro e co gran bacioni!**

**Vegnemo desso al nostro fumo
che se alsadrito da quel grumo,
e co 'n fià de santa pasiensa
tiraremo 'na giusta sentensa!
ogni augurio sarà senpre bon,
se gavaremo fede nel Paron:
se i auguri diventa preghiera
la speransapodará esser vera!**

Noale 13/12/19

Dino Libralato

Borgo CANPOSANPIERO Lamento 2020

Da l'antico borgo de **Canposanpiero**,

a fronte alta rivemo e cuor sincero!

Jerimo 'na zona sana, rurale,

bona zente, onesta e cordiale.

Orti co canpi e raccolti ben curai,

fin ch'el cemento no me gasassinai!

I pochi contadini del circondario

riva a stento sbarcar el lunario!...

Pa 'l giro, d'Italia, co tante scuse,

de la via Cerva i gastropà le buse,

desmentegandose, chissà parchè,

de metarghe man anca a i marciapiè!

Pasando vanti fin so la Cerva,

co piove, de aqua, se fa riserva!...

co pendense storte e pluviai roti,

fin la rotonda de via Bonarroti.

No voressimopivedar quel spengasso

che de la Rocca ofendeel murasso

e so le casete in fassa a i spalti

da onde in Cerva xèel primo passo.

Lassemoperdar i discorsi alti

e metimo pur i piè par tera

prima che no riva la nostra sera,
sensa 'ndaredrio ai grandi salti
co sgorloni, che ne speta da vero
so le buse che porta in cimitero!
Vanti!... ch'elvegna co un fia de sesto,
verzemo le porte, al domilaventi!

Anca se elxè ancora ano bisesto,
basta che no 'l porta grandi spaventi!
Augurio de speranza, bon, san e vero!
Questo ve porta Borgo Canposanpiero!!!!

Borgo MESTRE Lamento 2020

**Co 'sta gran calupa e 'ste bruneste
sòto e sderenà riva Borgo Mestre!
Saressimo vegnui pa'l soto passo,
ma semo 'ndà drito par via del giasso!**

**Rivando vanti come desso digo,
semo rivà so la rotonda a figo,
e come se dise, cussì parlando,
spetemo 'na strada in fassa Lando.**

**Se votaremo intanto a Sant'Andrea
parchè i ne giusta quella stradela
dove le buse e i sachetoni
spaca porte e tira zò balconi.**

**Co sto albaro de Nadale
se ghemo ofesi co Noale:
parfin l'albaro ne la piassa
me minciona on fià massa!**

**No saremo on borgo proprio fino
ma che a noialtri el ne mostra el culo**

e che a Miran el ghe fassa inchino
xe l'ultimo dispeto che ghemo avuo!

E se ciapassimo su le nostre strasse
cussì, senza pì pagarve le tasse?!?...
proprio come senpre fa i siori veri,
me mandelo par caso i carabinieri?

Ormai pì no me resta altre parole
visto che come maraveje le xè:
senza semenarle le nasse da sole!
Cussì stemo siti, e savarì parchè!...

Vardè quanto tenpo che va perso,
senza indrizzar 'sto Paese roverso!!!!
ne vien voja de darghe on de sora
prima de mandarve tuti in malora!

Vanti... che 'l vaga sto domilaventi!
co boni raccolti e pochi tormenti !
che le vostre speranze sipia oneste
co i mejo auguri dal **Borgo Mestre!**

Borgo MIRAN Lamento 2020

Come che la sipia stada, boh!...no se sa....

ma anca par st'ano, eco, el xé rivà!

Buganse a 'i piè e giazà 'e man

se fa vanti el **Borgo MIRAN!**

Co lamenti e cavatele

par contarve le pì bele!

Storie vecie e storie nove

che vendemo senza prove.

Ogni dì 'na magagna,

on teremoto o na frana,

crolo co morti, o 'na brentana!

Da quanto me gavì fato preminire,

no savemo gnanca pì cossa dire!

Quanto tenpo che va perso

sensa indrizzar 'sto Paese roverso!!!!

Duro tegnemo fin che la dura

tribolando, ma senza paura,

co la speranza senpre uguale

che finissa 'sto gran tenporale!

Par via del massimo sparagno

invesse del ponte i mete on piagno

pa 'ndar a piè o in bicicletà

par 'na stradela sconta e streta.

Cussì, senpre par...lando,

**che fine farà el vecio Lando?
El progeto de Piassa Maggiore
se lo misura in secoli o in ore?
Che la storia no vaga finia
come quello de la Bastia!
Basta lagnarse de i tenpi duri!...
Vegnui semo pa farse i auguri
E se ne femo tre sporte e un çesto
parchè finissa 'sto ano bisesto
volendose ben e tegnendose par man
co tanto amor dal **Borgo Miran!****

17/12/19 Dino Libralato

TESTI VARI

Ricordo per Pirola Parola 2020

Dopo tanti ani de onorata cariera,
saludemo Laura che al dì de stasera,
par tanti ani so sta piassa la ghejera!

Desso la ghe lassa in armonia

A so scoa a la nostra Lucia!

Fermemose anca a ricordare

Chi qua jèra usi laorare,
senza pretese e senpresoridenti
e... par ancora che i sipia presenti!

Vardando in suso so le faive,...

Passar vedemoaneme vive.

Alto, da l'ultima rama,
eco el viso de la nostra Anna
che co largo sorriso
Tuti ne ciama a st'altra Befana!

04/01/2020 *Dino Libralato*

NINA DE NADAL

Quanto fredoga 'l me cèlo,

‘ste manine come on gelo!

Stame arente stretostreto,

soto le ale fa un oseleto.

No, no piansar, sta contento

Senti fora che gran vento.

Te si proprio ‘l me tesoro,

la me stela tuta d’oro.

Dormi dormifantolin

Che la mama te sta vissin,

ciucia le nenestrestrete

che la mamaga tanta late,

elpopàxè ‘ndàlontan

par trovartedel bon pan.

El portarà anca on agneleto

Pa’ scaldar ‘sto puteleto

e ‘namusseta e anca on bo

par scaldarte ancora on po’-

Dormi dormi bel putelo

Che riva i Magi col camelo.

Sèra i ociel me tesoro

I Remagi porta l’oro.

Porta oro incenso e mira

E so la strada po' i se gira,
par scanpar via da Erode
ragionando de nove robe.
O Signore benedeto
So le to man mi te lo meto
Te digo, e me trema la voze,
sparàgnaghe 'sta croze .
Dormi dormifantolin
Fin che la mamaxèvissin,
tiemesenprestretastreta
che scanpemo co la musseta
e elpopà che para via
fin che ianzoli te porta via
Dormi dormifantolin
Che la mama te sta vissin,
ciucia le nenestretestrete
che la mamaga tanta late

FILASTROCA DE LA BEFANA

Go proprio voja de dirve 'sta roba
Parchè so che voialtri no ghebadè
Anca se mi son vecia storta e goba:

da mileani mi vegnoe desso scoltè:
conosso tuti per nomi e cognomi
de le volte confondo i camineti,
me fasso on fià de confusion co i doni,
magari scanbiosiori co poareti,
portando ai primi na branca de carbon
e a st'altri 'nasteca de mandolato.
Vorìa a tuti portarghe un ano bon,
un mondo gentile, in pase, educato...
'nasperansa me preme pì de tute,
co vedo tristi e magri, st'imuseti,
de poderli nutrir tuti, in salute
co mamainsième e popà, benedeti!
Penseve quanto acaminarpa 'l mondo
ghevol de forza, corajo e fadiga!
mi me toca ogni ano e ve rispondo
che la motoscoa me smonta a Pianiga.
Po', su e zò par case senprepì alte,
busi de camini senprepì stretti,
co 'l capogiro a sbrissar so le malte
par portarve in tenpo i regaleti.
E ghexè chi dise che mi so morta!

Eh no! jèro in ritardo drio la Brenta,
sto rivando, tegnì verta la porta!
Se qualcun almanco me dà 'na spenta
faria partir oncara la motoscoa:
son vecia sì, go le buganze ai piè,
rivar in tempo la xè 'na parola
però mi so da quanto che me spetè!

Eviva la Befana CORO

co 'l naso rosso CORO

e calze de lana! CORO

A chi dise che la xè morta

che ghevegna la boca storta!

A chi pensa che no la xè vera, CORO

mal de panza fin a sera! CORO

A chi ghe crede e la varda in viso

basi tanti e on gran sorriso! CORO

LA VENUTA DE I RE MAGI

In so sta Santa Note, da l'Oriente,

se ga visto 'na gran stela splendente!

I Re Magi se move immediatamente:

jèra ani e ani che 'i spiava sto segno

e za' i gera pronti par lassar el so regno.

Sensa che nissun de st'altris avessegnente,

tuti e tre 'i se trova ne 'a grotta lucente.

GASPARE(oro)

Gaspere te porta sto scrigno de oro!

Roba che 'l mondo in pase no lassa!

Che par averlo, xé bon ogni laoro,

e a zente par questo a se massa.

Mi, trovandotecussì

nudo e cussìceo,

spero che cambia el nostro futuro:

penso a un mondo pì onesto e pì puro,

dove ogni omo se senta fradeo.

MELCHIORRE (incenso)

A me vita da mago no 'a gapì senso!...

Vardoelcielo,... a luna,... studio el vento!...

A e done e a i omenignancaghe penso.

Na note vedo a cometa,... me spavento!

Branco elcameloe 'sto vaso de incenso:

Melciorexé qua, Bambin Santo!

Mi no so dirte quel che me sento..

Dassatevardare... e strensare tanto!

Fa che ogni putelosorida contento!

BALDASSARRE (mirra)

Mi son elpì vecio, go me-no-so-quant'ani.

De 'e robe passae, pignente me atira!

Co go visto a stea,

so corso co st'altri

pa regni lontani.

Da tempo, za pronto gavea,

sto vaso de mira:

e in dono te o lasso!

Pregandote adesso,

che el mondo se gira:
on fià manco progresso,
ma pase pì vera.

INVOCAZIONI

Signore che 'e galine

fassa 'i ovi presto!

Ovi presto ovi prestoo

Signore che 'l formento

formento formento

no vaga desperso!

Signore che a 'e galine

a 'e galine e galine e galine

no ghevegna 'a pia!

Signore che anca par st'ano

'a caneva sipia impinia!

'a caneva 'a caneva 'a caneva

Signore che i ovi da coo

no 'i vagaslossi!

Signore fé scorare aqua

lampradio i fossi!

Aqualanpra so i fossi

TANIE

Krieleiso	resp. Krieleiso
Crisleiso	crisleiso
Parte de 'i cieli beli	miseranobi
Fili de remendo mineo	miseranobi
Spirito so fradelo	miseranobi
Santa Maria	ora pranobi
Santi dei genevi	" " "
Virgola de virginio	" " "
Virgola crema	" " "
Sedesespiense	" " "
Toro che Sborna	" " "
Dormo so l'ara	" " "
Vedarì l'arca	" " "
Un ano ai cieli	" " "
Sara su chelmoro	" " "
Tre fusi un becadoro	" " "
Regina parte el caro	" " "
Regina posto d'oro	" " "
Regina compassoro	" " "
Regina signarabeghinaiconfeta	" " "

Regina martore

" " "

Agnorei qui toinpacà un mondo

Misarè i novi

Agnorei qui toinpacà un mondo

Misarè i novi

Agnorei qui toinpacà un mondo

Misarè i novi

Respeçe 2020

El domilaventi, ano bisesto,

de speranze gapienelçesto!

Ma el vento ch'el fumo spranpagna

podarave lassar che qualcun se lagna,

2020

par tanti çimisi e poco fen|...

Ma come senpre, l'ano tièn!...

basta ciaparlo come che 'l vièn!

INVOCAZIONI FINALI

(calpestio della cenere)

Segnoredene tanto formento!
Segnoredene tante panocie!
Segnoredene tanta ua!
Segnore, 'a tempesta fela 'ndare
al cao de 'à, lontana, in meso al mare!
Che i fulmini 'e piante no i ne spaca!
Che i cavalieri no 'i vaga in vaca!
Che no vegna né fogo né brentane!
Che 'a casa e 'a stalastaga sane!

SCONGIURO FINALE

Crose, crosete, crosoni,
ch'el diavolo no passa par 'sti cantoni!
Crose benedetta,
sete sachi par gombineta!

COMMIATO

A 'i atori, a quei che gacantà,
e a 'i sonadori,
A chi che galavorà
e anca a 'i spetatori,
Ghedisemograssie! E gheauguremo,
par st'ano, bessi, salute, tanto de ben,
e gnanca un dano!

Co 'sti sesti e 'sti matessi,
anca 'stavolta 'a xéfinia!
E se st'altrano no saremo 'i stessi,
spero che no sipia par colpa mia!

Ma a quanti gapossuovegnere,
ancora na roba gheCANTEMO
Noialtri ve rengrasiemo,
par 'a grassia e pa 'l favore,
E 'n' altranoritornaremo,
Se lo vorà 'l Signore!

(Dino Libralato)